

A Consellería de Educación e Ordenación Universitaria, as organizacións sindicais FETE-UGT, FSIE, CC.OO. e USO e as organizacións patronais CECE, Educación e Xestión e ACES-Galicia

ACORDAN

A Consellería de Educación e Ordenación Universitaria e as organizacións sindicais e patronais asinantes chegan ao seguinte acordo sobre a aplicación do calendario escolar para o curso 2007/2008, así como os demais aspectos sinalados nos seguintes parágrafos.

Primeiro.- Para o curso académico 2007/2008 o calendario escolar dos centros docentes sostidos con fondos públicos, será o regulado pola Orde do 9 de abril de 2007 da Consellería de Educación e Ordenación Universitaria, publicada no Diario Oficial de Galicia do día 16 de abril.

Segundo.- En aplicación do calendario escolar para o curso académico 2007/2008, garantirase que o alumnado terá a mesma xornada horaria durante todo curso.

Terceiro.- Segundo se recolle nos artigos 9º ao 11º da Orde do 9 de abril de 2007, os centros educativos poderán solicitar unha modificación da xornada escolar, en canto á súa distribución. Esas posibles modificacións para os meses de setembro de 2007 e de xuño de 2008, serán dirixidas ás Delegacións Provinciais da Consellería de Educación e Ordenación Universitaria, sempre que se reúnan os seguintes requisitos:

- a) Petición expresa, formulada pola dirección do centro educativo previo acordo do Consello Escolar, adoptado por maioría simple.
- b) Indicación do horario escolar que se desenvolverá durante os meses de setembro de 2007 e xuño de 2008, cunha xornada, con carácter xeral, de cinco horas diarias.

Cuarta.- A Consellería de Educación e Ordenación Universitaria aprobará esa modificación da xornada para setembro e xuño sen máis trámite que a solicitude.

Quinta.- A Consellería de Educación e Ordenación Universitaria, valorará cos sindicatos e as organizacións patronais, antes de rematar o curso 2006-2007, as imprecacións da reorganización da xornada de traballo do persoal docente.

Sexta.- En relación co anterior, a Consellería de Educación e Ordenación Universitaria negociará a adecuación das ratios dos centros privados concertados con ensinanzas de educación infantil e educación primaria.

Sétima.- A Consellería de Educación e Ordenación Universitaria negociará, ao longo do primeiro trimestre do curso 2007-2008, unha flexibilización dos requisitos necesarios na tramitación e concesión da xornada lectiva en sesión única de mañá.

Oitava.- A Consellería de Educación e Ordenación Universitaria convocará periodicamente a Comisión Tripartita do Ensino Concertado co obxecto de dar a coñecer con antelación suficiente os proxectos de normativa que afecten ao sector da concertada para que as partes imprecadas desde a información previa colaboren coas oportunas suxestións

En virtude deste acordo, a Comisión Tripartita do Ensino Concertado reunirase nun prazo de 30 días para comezar a abordar os puntos deste acordo e as reivindicacións pendentes.

Novena.- En base a este acordo, as organizacións sindicais FETE-UGT, FSIE, CC.OO. e USO desconvocan a folga prevista para o día 9 de maio de 2007.

Décimo.- Constituirase unha comisión de seguimento que velará polo cumprimento do reflictido no presente acordo.

Santiago de Compostela, 7 de maio de 2007

Pola CONSELLERÍA

Por FETE-UGT

Por FSIE

Por CC.OO.

Por USO

Por CECE

Por Educación e Xestión

Por ACES-Galicia